

竹素園詩集

海仙白冠王
題籤



竹素園詩鈔

莆田女士陳淑英德卿著

伍子胥廟

胥江潮勢拍天翻
伍子祠前草木繁
空憶鞭尸登楚墓
尚憐抉目挂吳門
吹簫幾洒窮途淚
解劍難酬慧眼恩
惆悵姑蘇臺上月
夜深猶照荻蘿村

楚項羽廟

地老天荒霸業休
祇留廟宇傍寒流
河山自昔雖無

楚號稱於今豈是劉青草未埋亡國恨烏江空送故
宮愁虞歌莫向西風訴烟月蒼茫下蓼洲

淮陰侯廟

國士祠堂百代新蒼松古柏自為隣登壇偉畧真名
將背水殊勛有幾人不信禍奇由躡足誰知功大反
亡身半生事業空陳迹淮上于今草自春

岳武穆廟

水抱山環夕照明岩岩廟貌是忠貞喬松百本枝南

向寒雨千年淚北征誓日祇知天可表渡河猶覺恨
難平莫須有字偏成獄說到奸雄劍欲鳴

玉簪花

春來處處盡繁華富貴珍藏不待誇莫道綠窓貧似
洗庭前還有玉簪花

春望迴文

遲遲日晷度窓明望裡春容霽景清枝動蝶斜花弄
影樹翻禽變葉聞聲垂簾映柳烟痕軟繞徑鋪苔雨

色晴時坐小樓高縱目詩成漫步獨怡情

初秋偶得

北雁唳聲長
新秋一味涼
寒蛩促刀尺
落葉助文章
搜戶風如雨
下階月似霜
侍兒含笑入
報道桂花黃

夜來香

粒粒如珠綠
色妝教人猶憶
墜樓娘想因
狂蝶來多
事留得檀心
入夜香

江妃枯

珠斛聞歌共慘傷東華遺蹟未終荒娥眉能遠隨流水
鵝脰封高對夕陽幽草已埋貞骨朽老梅空吊斷
魂香筍輿停伫情無限一帶長江白渺茫

夜雨

四壁蕭蕭冷不勝芭蕉窗外響相乘短檠課讀三更
候淅瀝聲中一點燈

蒲劍

不必千鎔鑄得成却當彼澤露英英臨風舞影搖三

尺合與青萍共錫名

三月望後一日午倦就枕夢得到地落花風有
色二句醒後續成

靜裡沉吟興自清當前烟景總怡情鳥穿竹影苔微
動霞映山頭樹欲明到地落花風有色下灘流水月
無聲小牕欲借晚岩護漫把雲根疊得成

漁父歎

其年秋為家水鳥隣扁舟來往澗溪濱業辭人世風波

險何又沉浮托此身

雨後舟園闌步

對鏡梳妝罷新晴曲徑行
鞋粘芳草濕袖拂落花輕
日暖蜂初鬧烟寒鳥欲鳴
滿庭都似西勾起詠詩情

白繡毬花

百花紅紫萼齊抽鬥巧還輸
白繡毬點綴渾疑珠作
翻團圓頓覺玉盈眸
拋當月下形難辨
弄向風前舞不休
未識三郎沉醉後
曾從唐苑擊來不

文姬歸漢

車騎匆匆別遠蠻風塵萬里竟生還
笳聲有幸傳邊土旆影如今返故關
馬齒縱添新歲月蛾眉欣覩舊河山
多情漢相金能捨地下中郎合解顏

春半

韶景融和二月間吟懷遊興兩相關
鶯梭織雨疏兼密燕剪粘泥往復還
嶺樹穿雲梳白髮江花映水洗紅顏
烟光一幅都如畫況又城頭列遠山

秋吟二十首

秋聲

萬籟蕭騷入耳盈寒閨刀剪共淒清誰家短笛吹風
遠何處孤砧搗月明樓櫓乍搖知雁語篝燈未滅伴
蟲鳴滿林落葉堆如許又聽城頭鼓報更

秋影

雲羅薄薄卷遠舒恰是江涵雁影初月落峴山神淡
蕩天浮湘水氣清虛孤村酒旆楓林晚隔岸漁燈蓼

葉疎滿眼模糊渾莫辨人家多似西中居

秋味

西風颯颯夜沉沉一味清秋冷不禁霜意晚來經
醞釀雨聲酸處耐搜尋香添菊酒重陽景美憶蓴鱸萬
里心更有醺醺書裡在可將勤苦托新吟

秋色

乾坤清氣洗朱顏別有詩情函意間三徑霞妝叢菊
紫半林霜染晚楓殷洞庭淼淼波中里巫峽蕭蕭月

一彎遠信數行雲滿幅雁羣遙度玉門關

秋晴

烟歛雲收萬里清碧空淡蕩關新晴迷離蟾影交蘆
影嘹唳鴻聲雜櫓聲淨到極天岩黛薄涼疑帶雨石
泉鳴西齋更愛斜陽暮無限秋光眼底明

秋陰

画欄凝望晝陰陰非雨非晴暝色侵蕭槭雲山描欲
淡模糊霜樹望逾深巴江萬里荒烟接夔府孤城落

日沉怪底西風無賴甚吹人幽恨到寒砧

秋鐘

修竹深溪寺轉迷鏗然鯨響破清淒音流山寺霜初
降韻落江舟月漸低搖動暮天驚宿雁聞來野店雜
寒雞幾回靜聽蕭蕭齋裡滿眼丹楓日已西

秋杪

東西交警韻輕清徇路偏同木鐸鳴冷月城隅巡雁
卒微霜巷口報魚更六街人靜時聞響五夜天寒不

斷聲雅愛讀書相應答高吟共到曉窓明

秋燈

雁飛高處月朦朧燈影分明夜色中
短艇青搖蘆荻渚香篝寒動稻花風
枕函孤館三更冷刀尺深閨一點紅
幸得寸光攤舊史聲聲蟋蟀伴牆東

秋笛

誰竄玉笛動清秋半寫吟懷半寫愁
三弄曲和寒月朗一聲響過碧雲悠
怨傳楊柳風如訴韻落梅花水

不流吹罷倚樓人
弗見餘音嫋嫋曲勾墮

秋山

一樣青山景色披
淩殊別有妙手姿
銷殘濃翠妝逾
淨捲去浮嵐瘦益
奇葉影漸疎添鳥
道烟痕微抹淡
蛾眉茱萸消息重
陽近直待登高並
入詩

秋塞

金風獵獵陣雲深
萬里關河絕塞陰
淺草白稀嘶病
馬平沙黃滾逼寒
禽笳聲吹落窮途
淚榆影飄殘故

國心歎息寒砧聞不到天涯相望淚沾襟

秋樵

嶺末西行一箇樵疎林無雨自瀟瀟歌長笛短泉聲
谷路轉峰環木葉凋雲影淺深雙足印霜暉明滅半
肩挑松間偶遇敲棋侶局外閒觀借虛消

秋漁

日把漁竿坐小航渾忘秋信到蘼蒼宵寒篷背眠霜
穩景淨波心釣月涼疏蓼花邊收網慣晚楓江外賣

竹素園詩集 卷一
鱸忙老翁何處生涯寄鼓枻全家住水鄉

秋蝶

花事闌珊異昔時秋風漫舞玉腰支粉殘難索滕王
畫簫斷空吟謝客詩萬種風流歸幻夢一場烟景付
迷離江南此會無芳信何似翩翩到菊籬

秋蟬

園林疎處一琴彈清籟遙傳不覺酸輕翼响殘黃葉
底淒音唱入白雲端長吟似向西風訴冷咽還憑曉